

AUGLÝSING

um breyting á samþykkt um lokunartíma sölubúða og sölustaða
á Siglufirði, nr. 230 1. október 1964.

1. gr.

1. mgr. 2. gr. orðist svo:

Alla virka daga skal sölubúðum og sölustöðum eigi lokað síðar en kl. 18 nema föstudaga kl. 19 og lokað á laugardögum, og þær eigi opnaðar aftur fyrr en kl. 9 árdegis næsta virkan dag. Þá skulu og vera frá þessu undantekningar, sem nú skal greina:

2. gr.

Síðasta málsgrein 2. gr. orðist svo:

Sölubúðir skulu vera lokaðar alla helgidaga, sumardaginn fyrsta, 1. maí, 17. júní og fyrsta mánudag í ágúst (frídagur verslunarmanna). 20. maí, þá er afmæli Siglufjarðar ber upp á 5 eða 10 ár, skulu sölubúðir vera lokaðar allan daginn.

Samþykkt þessi, sem er gerð af bæjarstjórn Siglufjarðar samkvæmt lögum nr. 17 1. febrúar 1936, staðfestist hér með og birtist til eftirbreytni öllum þeim, sem hlut eiga að máli.

Jafnframt er úr gildi felld auglýsing nr. 73 23. mars 1972, um breyting á samþykkt um lokunartíma sölubúða og sölustaða á Siglufirði.

Félagsmálaráðuneytið, 22. janúar 1974.

F. h. r.

Halgrímur Dalberg.

Gunnlaugur Þórðarson.

SAMÞYKKT

um breytingu á samþykkt um stjórn bæjarmála Vestmannaeyjabæjar
nr. 120 14. apríl 1966.

Aftan við samþykktina komi nýr kafli svo hljóðandi:

IX. KAFLI

Um framkvæmdanefnd byggingaáætlunar Vestmannacyjakaupstaðar.

1. gr.

41. grein orðist svo:

Bæjarstjórn skal kjósa framkvæmdanefnd til þess að undirbúa og stjórna BYGGINGAÁÆTLUN VESTMANNAEYJA (B. Á. V.).

Tilgangur B. Á. V. skal vera sá:

- a. að skipuleggja og stjórna undirbúningsframkvæmdum við byggingasvæðið nýja í Vestmannaeyjum, með það fyrir augum, að gera það byggingarhæft svo fljótt, sem kostur er,
- b. að stjórna byggingu þeirra íbúða, sem bæjarstjórn ákveður að láta reisa þar, ýmist til leigu eða endursölu,

- c. að leita samstarfs við alla þá aðila, sem fyrirhuga byggingaframkvæmdir í Vestmannaeyjum á næstunni, í því skyni að auka hraða og hagkvæmni framkvæmdanna, svo sem með sameiginlegri undirbúningsvinnu og útbodum verkþátta á breiðum grundvelli,
- d. að leita úrræða til þess að leysa til bráðabirgða þá húsnæðiseklu, sem fyrir-sjáanleg er í Vestmannaeyjum,
- e. að aðstoða við eða eftir atvikum að taka að sér hönnun og byggingu opinberra mannvirkja, sem bæjarfélagið og/eða ríki ákveða að reisa í byggingahverfinu.

2. gr.

42. grein orðist svo:

Í því skyni að ljúka undirbúningsframkvæmdum við byggingasvæðið sem fyrst, skal framkvæmdanefndin meðal annars:

- a. leita aðstoðar innlendra eða eftir atvikum erlendra sérfræðinga til þess að annast tæknilegan undirbúning og vera til ráðuneytis um framkvæmdir,
- b. leita eftir tilboðum á samkeppnisgrundvelli frá viðurkenndum verktökum í nauðsynlegar undirbúningsframkvæmdir í byggingahverfinu,
- c. framkvæmdanefndin skal þó ætíð, þar sem slíkt er mögulegt, freista þess að nýta til þessara starfa þau tæki og mannafla, sem Vestmannaeyjabær og fyrirtæki á staðnum hafa yfir að ráða.

3. gr.

43. grein orðist svo:

Í B. Á. V. skal lögð á það megin áhersla, að byggja hagkvæmar og smekklegar íbúðir við sem vægustu verði og svo hratt, sem frekast er kostur. Í því skyni skal meðal annars:

- a. byggja staðlaðar íbúðir, einkum í fjölbýlis- og raðhúsum, en þó einnig í par- og einbýlishúsum,
- b. nota fjöldaframleiðsluaðferðir og fullkomnustu tækni og skipulag, sem völ er á,
- c. fela framkvæmdir viðurkenndum byggingaverktökum á samkeppnisgrundvelli og með sem víðtækustum útbodum,
- d. staðsetja íbúðirnar sem samfelldast í einu byggingahverfi til þess að tryggja hámarks hagkvæmni og hraða við allar framkvæmdir,
- e. leita aðstoðar sérfróðra manna til þess að annast allan tæknilegan undirbúning og vera til ráðuneytis um efnis- og húshlutakaup, samningsgerðir við verktaka, gerð áætlana, undirbúning úthóða og fleira, sem er þess eðlis, að þörf sé slíkra sérfræðilegra ráðlegginga.

4. gr.

44. grein orðist svo:

Til samstarfs um byggingaframkvæmdirnar skal framkvæmdanefndin einkum leita til eftirtalinna aðila auk Vestmannaeyjakaupstaðar:

- a. byggingafélaga, sem einstaklingar stofna í þeim tilgangi að byggja íbúðir eða hús fyrir félagsmenn sína,
- b. stjórnar Verkamannabústaða í Vestmannaeyjum,
- c. fyrirtækja, sem fyrirhuga byggingu leiguhúsnæðis fyrir starfsfólk sitt,
- d. Viðlagasjóðs, Rauða Kross Íslands og Hjálparstofnunar Þjóðkirkjunnar.

Ætíð þar sem ætla má, að slíkt samstarf geti leitt til sparnaðar í tíma og tilkostnaði, skal eftir því leitað, og ber framkvæmdanefndinni að hafa þar frumkvæði. Sameiginlegan kostnað, sem þessir aðilar kunna að leggja í, svo sem við störf nefndarinnar og ráðunauta hennar, skulu þeir greiða í hlutfalli við stærð þess húsnæðis, sem hver um sig byggir. Að öðru leyti skulu þeir ekki bera neins konar fjárhagslega ábyrgð á skuldbindingum hvers annars.

Verði eftir því óskað, er nefndinni heimilt að vera byggingaraðilum til aðstoðar við útvegum lána og gerð nauðsynlegra áætlana og gagna þar að lútandi.

5. gr.

45. grein orðist svo:

Í því skyni að leysa brýnasta húsnaðisskortinn í Vestmannaeyjum skal framkvæmdanefndin þegar í stað kanna möguleika á innflutningi tilbúinna húsa eða kaupum á slíkum húsum frá Viðlagasjóði. Í því sambandi skal nefndin kanna, hvort áhugi er á því meðal Vestmannaeyinga, að flytja slík hús inn og setja niður til frambúðar. Einnig skulu athugaðir á því möguleikar, að setja innflutt hús niður til bráðabirgða eða þar til í notkun kemur það húsnaði, sem Byggingaráætlunin gerir ráð fyrir, að verði reist.

Leiði þessar athuganir til jákvæðrar niðurstöðu skal nefndin hlutast til um framkvæmdir svo fljótt sem auðið er.

6. gr.

46. grein orðist svo:

Nefnd sú, sem bæjarstjórn kýs, Framkvæmdanefnd B. Á. V., skal skipuð þremur mönnum og einum til vara. Nefndin kýs sér sjálf formann.

Bæjarstjórn ákveður laun nefndarmanna og teljast þau til byggingarkostnaðar.

7. gr.

47. grein orðist svo:

Framkvæmdanefndin skal fyrir lok febrúarmánaðar 1974 leggja fyrir bæjarstjórn áætlun um byggingaframkvæmdir og tillögur um stærð, gerð og fjölda þeirra íbúða, sem reistar verða fyrir bæjarfélagið. Nefndin skal, strax er hún tekur til starfa, auglýsa eftir væntanlegum kaupendum að þeim íbúðum, sem kaupstaðurinn lætur byggja til endursölu. Hún skal afla upplýsinga frá væntanlegum kaupendum á þar til gerðum skýrslublöðum um eftirfarandi atriði:

1. húsnaðisaðstöðu,
2. fjölskyldustærð,
3. búsetutíma í sveitarfélaginu,
4. fjárhagslega getu,
5. óskir um tegund og stærð húsnaðis,

Tillögur sínar til bæjarstjórnar skal nefndin byggja á niðurstöðum þessarar könnunar.

Nefndin skal einnig fyrir sama tíma leggja fram kostnaðaráætlun fyrir einstaka byggingaráfanga og lauslega kostnaðaráætlun fyrir verkið í heild. Auk þess greiðsluáætlun til næstu 6 mánaða. Slíkar greiðsluáætlanir skulu síðan ætíð lagðar fyrir bæjarstjórn, ekki sjaldnar en á 6 mánaða fresti, ásamt nauðsynlegum leiðréttingum á framkvæmda- og kostnaðaráætlun.

Loks skal nefndin gera tillögur um það, hvort verkinu skuli deilt niður í fleiri en einn byggingaráfanga og áætlun um fjölda íbúða í hverjum áfanga.

Forgang til þátttöku í 1. byggingaráfanga skulu þeir hafa, sem misstu íbúðarhúsnaði af völdum jarðeldanna á Heimaey.

8. gr.

48. grein orðist svo:

Framkvæmdanefndin skal hlutast til um framkvæmdir samkvæmt þeim áætlunum, sem fyrir er mælt um í 47. gr. og hafa yfirumsjón með þeim, þegar þær hafa verið samþykktar af bæjarstjórn. Skal framkvæmdum öllum hagað í samræmi við fyriræli 42.—45. greinar.

9. gr.

49. grein orðist svo:

Framkvæmdanefndin skal, ef þess er óskað, vinna þau störf, sem talin eru í 47. og 48. gr., einnig fyrir þá aðila, sem gengið hafa til samstarfs við kaupstaðinn samkvæmt c-lið 41. greinar og þá í samráði við fulltrúa þeirra aðila og á þeirra ábyrgð. Taki framkvæmdanefndin þannig að sér störf fyrir aðra aðila en Vestmannaeyjakaupstað, hvort heldur er við undirbúningsstörf eða beinar byggingaframkvæmdir, skal um það gerður sérstakur, skriflegur samningur. Þar skal meðal annars taka skýrt fram, hvernig þeir aðilar skuli fjármagna framkvæmdirnar og hver verða skuli hlutdeild þeirra í sameiginlegum kostnaði.

Til sameiginlegs kostnaðar í þessu tilviki telst ekki kostnaður við undirbúningsframkvæmdir, sem miða að því að gera hverfið byggingarhæft, samanber a-lið 41. gr. og 42. gr. samþykktu þessara.

10. gr.

50. grein orðist svo:

Nefndinni er heimilt að ráða sér framkvæmdastjóra til þess að annast framkvæmdir á ákvörðunum hennar og hafa eftirlit með öllum framkvæmdum, sem hún ber ábyrgð á.

Er byggingaframkvæmdir hefjast, skal nefndinni einnig heimilt að ráða sérstakan eftirlitsmann með framkvæmdum á byggingarstað, telji hún það nauðsynlegt.

11. gr.

51. grein orðist svo:

Vestmannaeyjakaupstaður skal sjá nefndinni og ráðunautum hennar fyrir vinnuaðstöðu og nauðsynlegri aðstöð við skrifstofuhald. Kaupstaðurinn skal einnig annast sjóðgreiðslur og bókhald fyrir nefndina.

Allt fé til byggingaframkvæmdanna skal lagt inn á sérstakan reikning í viðurkenndri lánastofnun og er óheimilt að greiða af honum nokkuð annað en það, sem samkvæmt samþykktum þessum telst til byggingakostnaðar.

Engan reikning má greiða af fé þessu, nema formaður framkvæmdanefndar hafi fyrst samþykkt hann. Þó getur nefndin veitt framkvæmdastjóra heimild til þess að árita reikninga.

Greiðslur aðila Byggingaáætlunar samkvæmt greiðsluáætlunum og greiðslusamningum, samanber 47. og 49. grein, skal kaupstaðurinn innheimta og færa á reikning Byggingaáætlunarinnar.

12. gr.

52. grein orðist svo:

Halda skal í bókhaldi B.Á.V. sérstakan reikning fyrir hvern byggingaráfanga, þar sem greinilega er skilið á milli kostnaðar við undirbúningsframkvæmdir og kostnaður við byggingaframkvæmdir.

Þar skal einnig halda aðgreindum kostnaði vegna framkvæmda í þágu hvers einstaks aðila Byggingaáætlunar, eftir því sem kostur er. Reikningar hvers áfanga skulu yfirfarnir af tveim sérfróðum mönnum, sem ráðnir eru af stjórn B.Á.V. Þeir skulu síðan sendir hlutaðeigandi aðilum B.Á.V.

13. gr.

53. grein orðist svo:

Framkvæmdanefndin annast allar nauðsynlegar samningsgerðir varðandi byggingaframkvæmdirnar svo sem verksamninga og samninga um efniskaup fyrir aðila B.Á.V.

Öll slík samningsgerð verður þó að vera innan ramma þeirra framkvæmdaáætla-
na, sem nefndin hefur gert, og aðilar Byggingaáætlunar samþykkt fyrirfram. Nefndin
skal gæta þess, að greiðslur samkvæmt slíkum samningum séu innan ramma greiðslu-
áætlunar og greiðslusamninga.

14. gr.

54. grein orðist svo:

Framkvæmanefndin skal að jafnaði halda einn fund í viku hverri og oftari,
ef nauðsyn krefur. Formaður stýrir fundum nefndarinnar. Haldin skal gerðabók á
nefndarfundum og þar skráðar allar veigamiklar ákvarðanir, sem nefndin tekur.
Allir nefndarmenn, sem mættir eru á fundi, skulu undirrita fundargerð.

Sérhver nefndarmaður á rétt á að láta færa til bókar sérálit sitt eða sératkvæði.

Ákvörðun er löglega tekin, ef tveir nefndarmanna eru henni samþykkir. Að
öðru leyti setur nefndin sér sjálf fundarsköp.

15. gr.

55. grein orðist svo:

Þegar framkvæmdanefndin hefur skilað til aðila B.Á.V. þeim íbúðum, sem hún
hefur tekið að sér að reisa fyrir þá, lokið lagfæringum og frágangi byggingahverfis-
ins og skilað endurskoðuðum reikningum yfir verkið, er hlutverki hennar lokið.

Breyting þessi, sem bæjarstjórn hefur samið og samþykkt, staðfestist hér með
samkvæmt 38. gr. sveitarstjórnarlaga nr. 58 29. mars 1961, til þess að öðlast gildi
þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 22. janúar 1974.

F. h. r.

Hallgrímur Dalberg.

Guðmundur Karl Jónsson.

AUGLÝSING

um breyting nr. 7 við Sérlyfjaskrá, Lyfjaverðskrá II, Lyfjagreiðsluskrá
Tryggingastofnunar ríkisins frá 1. júlí 1972.

Frá og með 1. febrúar 1974 verður greiðslutilhögun sjúkrasamlaga á eftir-
töldum sérlyfjum sem hér segir:

½ (1/1)	Betnovate (Glaxo 600)
½ (1/1)	Celeston-Valerat (Essex, 553)
½ (1/1)	Delmeson (Hoechst, 658)
½ (1/1)	Delmeson-Tumenol (Hoechst, 660)
½ (1/1)	Locacorten (Ciba, 344)
½ (1/1)	Locacorten Tar (Ciba, 790)
½ (1/1)	Locasalen (Ciba, 1272)
½ (1/1)	Metosyn (ICI, 1510)
½ (1/1)	Synalar (ICI, 203)
½ (1/1)	Synalar Forte (ICI, 1020)
½ (1/1)	Topilar (Astra, 1462)